



Bosnia and Herzegovina
Federation of Bosnia and Herzegovina
CANTON SARAJEVO
ASSEMBLY

Nezavisni odbor


Broj: 01-04-77- 16-1 /25
Sarajevo, 27.05.2025. godine

SKUPŠTINA KANTONA SARAJEVO

OVDJE

PREDMET: Izvještaj o radu Nezavisnog odbora za period januar-juni 2024. godine - dostavlja se;

Nezavisni odbor na sjednici održanoj dana 27.05.2025 godine razmatrao je Izvještaj o radu Nezavisnog odbora za period januar-juni 2024. godine, a u skladu s članom 34. stav 4. Zakona o unutrašnjim poslovima Kantona Sarajevo ("Službene novine Kantona Sarajevo" broj: 1/16, 26/19, 31/19 i 39/20), te isti dostavlja Skupštini Kantona Sarajevo, na razmatranje.



PREDSJEDAVAJUĆI NEZAVISNOG ODBORA

Adis Šečić



Bosnia and Herzegovina
Federation of Bosnia and Herzegovina

**CANTON SARAJEVO
ASSEMBLY**

Na osnovu člana 34. st.4. Zakona o unutrašnjim poslovima Kantona Sarajevo ("Službene novine Kantona Sarajevo" br.:1/16, 26/19, 31/19 i 39/20) i člana 120. Poslovnika Skupštine Kantona Sarajevo („Službene novine Kantona Sarajevo“ br. 41 /12- Drugi novi prečišćeni tekst, 15/13, 47/13, 47/15, 48/16, 9/20, 14/20, 16/22, 17/22- Ispravka i 47/24), Skupština Kantona Sarajevo na sjednici održanoj dana _____. 2025. godine, donijela je sljedeći

ZAKLJUČAK

Usvaja se Izvještaj o radu Nezavisnog odbora za period januar-juni 2024. godine.

Broj: 01-04- _____ /25
Sarajevo, _____.2025.godine

**PREDSJEDAVALAČI
SKUPŠTINE KANTONA SARAJEVO**

Elvedin Okerić

Bosna i Hercegovina
Federacija Bosne i Hercegovine
**SKUPŠTINA KANTONA
SARAJEVO**



Босна и Херцеговина
Федерација Босне и Херцеговине
**СКУПШТИНА КАНТОНА
САРАЈЕВО**

Bosnia and Herzegovina
Federation of Bosnia and Herzegovina
**CANTON SARAJEVO
ASSEMBLY**

IZVJEŠTAJ
o radu Nezavisnog odbora za period januar – juni 2024. godine

Sarajevo, maj 2025. godine



Adresa: Reisa Džemaludina Čauševića 1, 71 000 Sarajevo
Tel: + 387 (0) 33 562-055, Fax: + 387 (0) 33 562-210
Web: <http://skupstina.ks.gov.ba>
E-mail: skupstina@skupstina.ks.gov.ba

Na osnovu člana 33. stav (1) tačka h) i člana 34. stav (4) Zakona o unutrašnjim poslovima Kantona Sarajevo („Službene novine Kantona Sarajevo“ broj: 1/16, 26/19, 31/19 i 39/20) i člana 8. stav 9. Poslovnika o radu Nezavisnog odbora ("Službene novine Kantona Sarajevo", br.: 13/22), Nezavisni odbor na sjednici održanoj dana 27.05.2025.godine, Skupštini Kantona Sarajevo, podnosi;

IZVJEŠTAJ **o radu Nezavisnog odbora za period januar – juni 2024. godine**

I - Uvod

Nezavisni odbor imenovan je Odlukom o imenovanju Nezavisnog odbora Skupštine Kantona Sarajevo broj: 01-04-5642/22 od 22.02.2022. godine (u daljem tekstu Nezavisni odbor), a isti je u novom sazivu počeo sa radom 02.03.2022. godine.

U izvještajnom periodu Nezavisni odbor obavljao je poslove i zadatke u punom sazivu. U Nezavisni odbor imenovano je sedam članova predstavnika iz reda građana. Mandat članova Nezavisnog odbora traje 4 (četiri) godine.

Nezavisni odbor je u periodu januar - juni 2024. godine obavljao poslove u skladu sa Zakonom o unutrašnjim poslovima Kantona Sarajevo, Zakonom o policijskim službenicima, Poslovníkom o radu Nezavisnog odbora, kao i drugim relevantnim zakonima i podzakonskim aktima.

U nadležnosti Nezavisnog odbora je da:

- (1) raspisuje i provodi Javni konkurs za imenovanje policijskog komesara;
- (2) vrši selekciju i predlaže listu kandidata za izbor policijskog komesara Vladi Kantona koju dostavlja posredstvom ministra;
- (3) prati rad policijskog komesara, nadzire primjenu ovlaštenja policijskog komesara u rukovođenju Upravom policije iz člana 23. Zakona o unutrašnjim poslovima i o tome izvještava Skupštinu Kantona Sarajevo;
- (4) ako procijeni za potrebnim može izvršiti neposredni uvid u akte i predmete Uprave policije u skladu sa članom 47. navedenog Zakona;
- (5) predlaže smjenu policijskog komesara Vladi Kantona u skladu sa Zakonom o unutrašnjim poslovima;
- (6) vodi prvostepeni disciplinski postupak protiv policijskog komesara i izriče disciplinske sankcije;
- (7) prima, razmatra i postupa po podnesenim žalbama na rad policijskog komesara;
- (8) usvaja Poslovnik o radu Nezavisnog odbora;
- (9) sačinjava izvještaje o radu Nezavisnog odbora svakih šest mjeseci i dostavlja ih Skupštini Kantona na razmatranje;
- (10) sačinjava detaljan tromjesečni izvještaj o radu policijskog komesara, koji dostavlja Skupštini Kantona;
- (11) po potrebi razmjenjuje informacije, podatke, dokumente po pojedinim predmetima sa Komisijom za sigurnost Skupštine Kantona Sarajevo;
- (12) obavlja druge poslove propisane Zakonom o unutrašnjim poslovima Kantona Sarajevo, Zakonom o policijskim službenicima Kantona Sarajevo i drugim propisima.



II – Normativni dio

U vršenju zadataka iz svoje nadležnosti, Nezavisni odbor je donosio zaključke, sačinjavao odgovore, informacije, tražio dostavljanje informacija i podataka i iste razmatrao, sačinjavao i druge akte iz svoje nadležnosti, te redovno obavještavao javnost o svom radu.

III - Tematski dio

Tokom izvještajnog perioda, Nezavisni odbor je održao 6 redovnih sjednica.

DVADESET PETA SJEDNICA (29.01.2024. godine)

Dvadeset peta sjednica Nezavisnog odbora, održana je dana 29.01.2024. godine u prostorijama Skupštine Kantona Sarajevo.

Sjednici prisustvuju članovi Nezavisnog odbora: 6 članova Nezavisnog odbora prisutno, dok je jedan član Nezavisnog odbora opravdao svoje odsustvo.

DNEVNI RED:

1. Usvajanje Zapisnika sa 24. sjednice Nezavisnog odbora;
2. Informacija Uprave policije MUP KS broj: 02/2-05/24 od 05.01.2024. godine;
3. Razmatranje Odgovora Policijskog komesara na Upit Nezavisnog odbora broj:02-4/24 od 12.01.2024.godine;
4. Izvještaj o radu Policijskog komesara Uprave policije Ministarstva unutrašnjih poslova Kantona Sarajevo za period 01. juli-30. septembar 2023.godine;
5. Razno.

Članovi Nezavisnog odbora su jednoglasno usvojili Dnevni red.

Nakon što je konstatovano da je na sjednici prisutno (6/7) članova Nezavisnog odbora, te da postoji kvorum za rad i odlučivanje sukladno odredbi člana 7. Poslovnika o radu Nezavisnog odbora, Predsjedavajući Neazvisnog odbora, u skladu sa odredbom člana 6. stav 1. Poslovnika otvorio je sjednicu Nezavisnog odbora, po predloženom Dnevnom redu:

AD-1.- Usvajanje Zapisnika sa 24. sjednice Nezavisnog odbora broj: 01-04-476- 46/23

Zapisnik sa 24. sjednice Nezavisnog odbora broj:01-04-476-46/23 od 21.12.2023.godine, usvojen je jednoglasno od strane prisutnih članova.

AD-2.- Informacija Uprave policije MUP KS broj: 02/2-05/24 od 05.01.2024. godine

Nezavisni odbor je primio k znanju Informaciju Uprave policije MUP KS broj: 02/2-05/24 od 05.01.2024. godine.

AD-3.- Razmatranje Odgovora Policijskog komesara na Upit Nezavisnog odbora broj:02-4/24 od 12.01.2024.godine



Adresa: Reisa Džemaludina Čauševića 1, 71 000 Sarajevo

Tel: + 387 (0) 33 562-055, Fax:+ 387 (0) 33 562-210

Web: <http://skupstina.ks.gov.ba>

E-mail: skupstina@skupstina.ks.gov.ba

Aktom broj 01-04-101/24 od 08.01.2024. godine, od strane Nezavisnog odbora dostavljena su pitanja Policijskom komesaru, vezano za njegov rad i aktivnosti u prethodnom periodu, na koji je od strane Policijskog komesara dostavljen Odgovor broj:02-4/24 od 12.01.2024.godine. Na sjednici je izraženo zadovoljstvo članova Nezavisnog odbora dostavljenim Odgovorom.

AD-4.- Izvještaj o radu Policijskog komesara Uprave policije Ministarstva unutrašnjih poslova Kantona Sarajevo za period 01. juli-30. septembar 2023.godine

Na sjednici je istaknuto da su u Izvještaju članovi Nezavisnog odbora koji su sačinjavali pomenuti Izvještaj, precizirali broj oduzetih vozila višestrukih povratnika u vršenju prekršaja iz oblasti Zakona o osnovama bezbjednosti saobraćaja i na vanredni nadzor u policijskim upravama.

Nezavisni odbor je jednoglasno usvojio (6/6) Izvještaj o radu Policijskog komesara Uprave policije Ministarstva unutrašnjih poslova Kantona Sarajevo za period 01. juli-30. septembar 2023.godine, koji su pripremili članovi Nezavisnog odbora.

Od strane članova Nezavisnog odbora istaknuto je da neophodno Policijskom komesaru skrenuti pažnju do kojeg datuma treba da dostavi mjesečne, kvartalne, polugodišnje i godišnje informacije o aktivnostima Uprave policije, kao i izvještaje o svom radu, te je predloženo da na sljedećoj sjednici Nezavisnog odbora Policijski komesar izloži svoje godišnje planove.

U nastavku sjednice, pristupio je policijski komesar Fatmir Hajdarević

Policijski komesar Fatmir Hajdarević je članove Nezavisnog odbora informisao da je policija lišila slobode lice koje je izvršilo ubistvo mladića noć ranije u naselju Otoka. Radi se na dokumentovanju i pronalasku oružja kojim je počinjeno ubistvo.

Policijski komesar je također obavijestio članove Nezavisnog odbora da je objavljen oglas za unapređenje u čin "mlađi inspektor"-2 izvršioca.

Član Nezavisnog odbora je podsjetio Policijskog komesara da je Nezavisni Odbor na svojoj 21. sjednici, održanoj 28.09.2023.godine, donio Zaključak kojim se traži da dostavi informaciju iz evidencija koje se vode u Policijskim upravama Kantona Sarajevo o izricanju zaštitnih mjera iz člana 9. Zakona o zaštiti od nasilja u porodici ("Službene novine Federacije BiH", br. 20/13 i 75/21), kao i iz člana 38. Pravilnika o načinu provođenja zaštitnih mjera za počiniocima nasilja u porodici koje su u nadležnosti policije ("Službene novine Federacije BiH", broj 19/14) za 2023.godinu. Zaključak je Uprava policije zaprimila 02.10.2023.godine i na isti nije odgovoreno. U Informaciji o aktivnostima Uprave policije MUP-a Kantona Sarajevo za mjesec decembar 2023.godine prvi dio obrasca 4. iz Pravilnika je ubačen, a dio za ostale mjere nije dostavljen. S obzirom da je tražena informacija za 2023.godinu, Uprava policije je trebala dostaviti informaciju najkasnije do 15.01.2024.godine.

U smislu navedenog, Nezavisni odbor je obavezao policijskog komesara Fatmira Hajdarevića da u roku od 3 (tri) dana dostavi Informaciju pozivajući se na zaključak Nezavisnog odbora broj:01-04-476-35/23 od 28.09.2023. godine i istu će izložiti na sljedećoj sjednici Nezavisnog odbora. Dana 31.01.2024. godine dostavljena je Informacija iz evidencija koje se vode u policijskim upravama KS o izricanju zaštitnih mjera broj:02-19/24 od 31.01.2024.godine, te je istu Nezavisni odbor razmatrpio i primio k znaju, na 26. sjednici održanoj dana 12.02.2024. godine.

Nakon što je policijski komesar završio svoje izlaganje i napustio sjednicu, Nezavisni odbor je nastavio rad.



Stav Nezavisnog odbora je:

- da je zakonska obaveza Policijskog komesara da odmah po prijemu zahtjeva za informacijom istu dostavi ili najkasnije u roku od 15 dana. Predložio je da se Policijskom komesaru odredi rok da mjesečne, tromjesečne i godišnje izvještaje dostavi najkasnije do 17. u mjesecu;
- da bi svakog mjeseca Uprava policije trebala da dostavi informaciju iz evidencija koje se vode u Policijskim upravama Kantona Sarajevo o izricanju zaštitnih mjera iz člana 9. Zakona o zaštiti od nasilja u porodici, kao i iz člana 38. Pravilnika o načinu provođenja zaštitnih mjera za počinioce nasilja u porodici koje su u nadležnosti policije;
- da se policija za eventualno nedostavljanje informacije o izrečenim zaštitnim mjerama vezano za porodično nasilje ne može pozvati na Zakon o zaštiti ličnih podataka, jer su u obrascima samo brojke.

AD- 5- Razno

Dogovoreno ja da će se na sljedećoj sjednici razmatrati materijali koji su stigli nakon slanja Poziva za 25. sjednicu Nezavisnog odbora, kao i informacija koju Uprava policije dostavi vezano za Zaključak Nezavisnog odbora od 28.09.2023.godine.

Predloženo je da svaki član Nezavisnog odbora za sljedeću sjednicu pripremi procjene za ocjenu Policijskog komesara, odnosno na koji način će se imenovani ocjenjivati.

25. sjednica Nezavisnog odbora završena je u 17,51 sati.

DVADESET ŠESTA SJEDNICA (12.02.2024. godine)

Sjednica je održana dana 12.02.2024. godine sa početkom rada u 17:00 sati, u prostorijama Skupštine Kantona Sarajevo.

Sjednici prisustvuju članovi Nezavisnog odbora: svi članovi Nezavisnog odbora.

DNEVNI RED

1. Usvajanje Zapisnika sa 25. sjednice Nezavisnog odbora;
2. Informacija o aktivnostima Uprave policije MUP-a Kantona Sarajevo za mjesec decembar 2023.godine;
3. Informacija o aktivnostima Uprave policije MUP-a Kantona Sarajevo za vremenski period januar-decembar 2023.godine;
4. Izvještaj o radu policijskog komesara UP MUP-a KS za vremenski period 01. oktobar-31.decembar 2023.godine;
5. Razmatranje Informacije iz evidencija koje se vode u policijskim upravama KS o izricanju zaštitnih mjera broj:02-19/24 od 31.01.2024.godine;
6. Prijedlog ocjene policijskog komesara u Ministarstvu unutrašnjih poslova Kantona Sarajevo za 2023.godinu;
7. Razno.

Članovi Nezavisnog odbora su jednoglasno usvojili Dnevni red.



AD-1.- Usvajanje Zapisnika sa 25. sjednice Nezavisnog odbora

Zapisnik sa 25. sjednice Nezavisnog odbora koja je održana 29.01.2024.godine, od strane Nezavisnog odbora jednoglasno je usvojen.

U zakazanom terminu na sjednicu je pristupio policijski komesar Fatmir Hajdarević.

AD-2.- Informacija o aktivnostima Uprave policije MUP-a Kantona Sarajevo za mjesec decembar 2023.godine

Policijski komesar Fatmir Hajdarević je prezentirajući Informaciju o aktivnostima Uprave policije MUP-a Kantona Sarajevo za mjesec decembar 2023.godine istakao da je smanjem broj događaja sa obilježjem krivičnog djela u odnosu na isti mjesec prethodne godine. U nastavku je prezentirao događaje sa obilježjem krivičnih djela po oblastima, djela u kojim su učestvovala maloljetna lica i ostala protivpravna i asocijalna ponašanja. Što se tiče prekršaja iz oblasti javnog reda i mira evidentirana su dva više događaja u odnosu na isti period 2022.godine. Saobraćajnih nesreća je bilo manje. Od višestrukih povratnika u činjenju prekršaja iz oblasti Zakona o bezbjednosti saobraćaja oduzeto je 13 motornih vozila.

Nezavisni odbor je primio k znanju Informaciju o aktivnostima Uprave policije MUP-a Kantona Sarajevo za mjesec decembar 2023.godine.

AD-3.- Informacija o aktivnostima Uprave policije MUP-a Kantona Sarajevo za vremenski period januar-decembar 2023.godine

Policijski komesar Fatmir Hajdarević je istakao da je broj događaja sa obilježjem krivičnog djela na području Kantona Sarajevo u 2023.godini u odnosu na 2022.godinu smanjen, ali povećan je broj evidentiranih lica, lica lišenih slobode i povećan je procenat rasvjetljenosti krivičnih djela. Smanjen je broj maloljetnih izvršilaca događaja sa obilježjem krivičnog djela. Na području Kantona Sarajevo izvršena su četiri ubistva i šest pokušaja ubistva i svi ovi događaji su rasvjetljeni. Iz oblasti protiv zdravlja ljudi u 2023.godini evidentirano je više 55 događaja sa obilježjem krivičnog djela u odnosu na prošlu godinu. Oduzeta je veća količina opojnih droga. Evidentirano je manje prekršaja iz oblasti javnog reda i mira. Što se tiče saobraćajnih nezgoda u 2023.godini registrovano je više nezgoda sa materijalnom štetom i broj poginulih lica, a smanjen je broj nezgoda sa nastradalim licima i broj povrijeđenih lica. U izvještajnoj godini oduzeta su 82 motorna vozila od višestrukih povratnika u vršenju prekršaja iz oblasti Zakona o bezbjednosti saobraćaja.

Nezavisni odbor je primio k znanju Informaciju o aktivnostima Uprave policije MUP-a Kantona Sarajevo za vremenski period januar-decembar 2023.godine.

AD-4.-Izvjestaj o radu policijskog komesara UP MUP-a KS za vremenski period 01. oktobar-31.decembar 2023.godine

Policijski komesar Fatmir Hajdarević je ukratko prezentirao Izvjestaj o radu policijskog komesara UP MUP-a KS za vremenski period 01. oktobar-31.decembar 2023.godine .

Na pitanje člana Nezavisnog odbora koja je bila tema sastanka sa delegacijom Rijaseta islamske zajednice u BiH Policijski komesar je odgovorio da je bio dogovor oko asistencije policije na osiguranju vrijednih eksponata izložbe, koji su nacionalno blago u Collegium Artisticumu. U nastavku je Policijski komesar članove Nezavisnog odbora informisao o sastanku koji je imao sa kantonalnim policijskim komesarima i direktorom Federalne uprave policije.



Član Nezavisnog odbora je predložio Policijskom komesaru da u budućim izvještajima, a u skladu sa Metodologijom izvještavanja o radu policijskog komesara od 28.06.2022.godine, dostavi podatke da li je inicirao sastanke sa načelnicima općina, Uprave policije i komandirima policijskih uprava u Kantonu Sarajevo. Policijski komesar prihvatio je prijedlog da ubuduće dostavlja tražene podatke.

Nezavisni odbor je primio k znanju Izvještaj o radu policijskog komesara UP MUP-a KS za vremenski period 01. oktobar-31.decembar 2023.godine.

AD-5. - Razmatranje Informacije iz evidencija koje se vode u policijskim upravama KS o izricanju zaštitnih mjera broj:02-19/24 od 31.01.2024.godine

Nakon što je policijski komesar prezentirao Informaciju iz evidencija koje se vode u policijskim upravama KS o izricanju zaštitnih mjera broj:02-19/24 od 31.01.2024.godine uslijedila je diskusija članova Nezavisnog odbora.

Od strane jednog od članova Nezavisnog odbora predloženo je da policija detaljnije pristupa primjeni Zakona o zaštiti od nasilja u porodici. Istaknuto je da policija treba da na terenu bude aktivnija što se tiče zaštite žrtava nasilja u porodici. Potreban je ozbiljniji pristup provođenju odredbi Zakona koje su u nadležnosti Uprave policije. Evidentno je da je povećano prijavljivanje nasilja u porodici nakon ubistva u Gradačcu i Sarajevu.

Vežano za slučajeve u kojima žrtve nasilja u porodici povuku svoje iskaze i policija ne može učiniti ništa postavljeno je pitanje Policijskom komesaru da li se žrtva koja povuče prijavu može teretiti za lažno prijavljivanje. Policijski komesar je odgovorio da se prijava povlači na Tužilaštvu i u takvim slučajevima ne može se žrtva koja povuče prijavu “ krivično goniti”.

Istaknuto je da se iz Informacije vidi koliko je policija uradila posla u vezi zaštite žrtava nasilja u porodici i sugerisano Policijskom komesaru da izađe u javnost sa informacijom.

Na pitanje jednog od članova u vezi saobraćajne nezgode u kojoj je strani državljanin udario pješaka – dijete, Policijski komesar je odgovorio da je pješak ustao i udaljio se sa mjesta nezgode, pa se vozač nije mogao teretiti za nepružanje pomoći. Međutim tužiteljica pod pritiskom medija mijenja svoju prvobitnu odluku. Od strane člana Nezavisnog odbora upućena je prijedba da zbog takvih situacija i budućim događajima pristupiti opreznije te poboljšati komunikaciju sa Tužilaštvom. Od strane Policijskog komesara naglašena je problematika sa Tužilaštvom, gdje prema njegovom mišljenju, mladi i neiskusni tužioci donose ad hoc odluke.

Mišljenje Nezavisnog odbora je da je Uprava policije trebala reagovati na izjave bivšeg inspektora Uprave policije prilikom gostovanja na jednoj od televizijskih kuća, gdje je isti iznio toliko neistina na račun policije. Istaknuto je da je važno da policija svaki događaj sagleda sa svih strana i postupi promptno i u skladu sa Zakonom. Policijski komesar je naglasio da za takve situacije ima potparolka koja daje informacije svim medijima istovremeno.

Shodno odredbi člana 8. Zakona o unutrašnjim poslovima Kantona Sarajevo koji reguliše nadležnosti Kantona u oblasti unutrašnjih poslova i član 23. istog Zakona koji reguliše ovlaštenja policijskog komesara u rukovođenju Upravom policije, a povodom konkretnog slučaja, te zbog stava tužiteljice u slučaju saobraćajne nezgode u kojoj je strani državljanin automobilom udario maloljetnog pješaka i udaljio se sa mjesta nesreće stekao se dojam da policija nije uradila svoj posao. Također i u pogledu ubistva na Otoci stvorio se vakum. Stav nezavisnog odbora je da je



policija trebala na vrijeme napraviti press konferenciju. U smislu prednjeg sugerisano je Policijskom komesaru da u narednom periodu da pravovremene informacije, na odmjeren i tačan način izade sa informacijama.

Na pitanje člana Nezavisnog odbora dokle se došlo sa snimanjem razgovora kod šefa smjene Policijski komesar je odgovorio da je upućen dopis prema Agenciji za zaštitu ličnih podataka i nakon dobijanja odgovora krenut će se u realizaciju. Konstatuje se da je Policijski komesar krajem 2023.godine, na sjednici Komisije za sigurnost, dobio Zaključak kojim se traži snimanje razgovora.

Policijski komesar je rekao da nije u kancelariji zatekao niti jedan papir kada je preuzeo funkciju. Smatra da će snimanje razgovora doprinijeti većoj profesionalnosti šefova smjene, a i građani se neće bezpotrebno žaliti. Također bi i body kamere pomogle policiji.

Na pitanje jednog od članova u vezi ljekarskog pregleda policijskih službenika i nošenju službenog oružja kada su na bolovanju i odmoru Policijski komesar je odgovorio da smatra da policijski službenici trebaju nositi oružje 24/7, dok sredstva za ljekarske preglede u ovoj godini nisu planirana. U smislu iznesenog upućen je prijedlog policijskom komesaru da predloži načelnicima sektora da ukoliko primijete neke devijacije u ponašanju policijskih službenika da iste pošalju na vanredni ljekarski pregled.

Nezavisni odbor je primio k znanju Informaciju iz evidencija koje se vode u policijskim upravama KS o izricanju zaštitnih mjera broj:02-19/24 od 31.01.2024.godine.

Nakon završenog izlaganja Policijski komesar je napustio sjednicu Nezavisnog odbora.

AD-6.- Prijedlog ocjene policijskog komesara u Ministarstvu unutrašnjih poslova Kantona Sarajevo za 2023.godinu

Shodno odredbi člana 34 stav (9). i član 46. Zakona o unutrašnjim poslovima koji regulišu ocjenjivanje policijskog komesara, Nezavisni odbor je donio sljedeći ZAKLJUČAK

- Nezavisni odbor je na 26. sjednici, održanoj 12.02.2024.godine, pod tačkom 6. razmatrao Prijedlog pismene godišnje ocjene policijskog komesara Uprave policije Ministarstva unutrašnjih poslova Kantona Sarajevo za 2023.godinu Hajdarević Fatmira i to za period 22.06.-31.12.2023.godine, a iz razloga što je Hajdarević Fatmir imenovan na sjednici Vlade Kantona Sarajevo na poziciju policijskog komesara.

U nastavku su članovi Nezavisnog odbora govorili o tome kako vide rad policijskog komesara.

Od strane članova Nezavisnog odbora istaknuto je sljedeće:

- ako se uzmu u obzir stvari na osnovu kojih su prethodni komesari ocijenjeni sa ocjenom "nezadovoljava" uvidjet će se da je policijski komesar Fatmir Hajdarević unaprijedio rad Uprave policije. Proveo je kompletan proces činovanja i nastavio je taj proces, uposlenici su postali zadovoljniji, proveo postupke nabavke specijalne opreme, izvršio specifične nabavke. Sa maksimalno poštovanja se ophodi prema Nezavisnom odboru.
- obzirom da je policijski komesar zvanično stupio na funkciju policijskog komesara Ministarstva unutrašnjih poslova Kantona Sarajevo 22.06.2023.godine, a do tog perioda je bio v.d. i za period 22.06.-31.12.2023.godine, isti se može ocijeniti. Vezano za proceduru činovanja u svim činovima, nepobitno je da je policijski komesar istu intenzivirao poštujući procedure, intenzivirao je aktivnosti prijema policijskih službenika, kao i aktivnosti kontrole

saobraćaja, oduzete su veće količine opojnih sredstava, intenzivirane su aktivnosti nabavke novih uniformi i naoružanja. Sve sugestije Nezavisnog odbora Policijski komesar je prihvatio i sve aktivnosti su usklađene sa potrebnim rokovima. Dosta stvari iz predložene metodologije izrade izvještaja su prihvaćene. Javni skupovi su provedeni maksimalno planski i profesionalno.

- evidentni su pomaci u javnim nabavkama, kontroli saobraćaja, realizaciji sredstava iz Budžeta Kantona Sarajevo. Poboljšana je komunikacija.

Nezavisni odbor je jednoglasno (7/7) ocijenio policijskog komesara Fatmira Hajdarevića sa ocjenom "ZADOVOLJAVA" za period 22.06.-31.12.2023.godine.

Prijedlog ocjene će se dostaviti Vladi Kantona Sarajevo, Ministarstvu unutrašnjih poslova KS i Upravi policije MUP-a KS.

AD- 7- Razno

Članovi Nezavisnog odbora nisu delegirali niti jednu temu koja bi se razmatrala pod tačkom Razno.

26. sjednica Nezavisnog odbora završena je u 19:03 sati.

DVADESET SEDMA SJEDNICA (27.03.2024. godine)

Sjednica Nezavisnog odbora održana je dana 27.03.2024. godine, sa početkom rada u 16:30 sati, u prostorijama Skupštine Kantona Sarajevo.

Sjednici prisustvuju članovi Nezavisnog odbora: sjednici je prisustvovalo 6 članova Nezavisnog odbora dok je jedan član prethodno opravdao svoj izostanak.

DNEVNI RED

1. Usvajanje Zapisnika sa 26. sjednice Nezavisnog odbora;
2. Informacija o aktivnostima Uprave policije MUP-a Kantona Sarajevo za mjesec januar 2024.godine;
3. Informacija o aktivnostima Uprave policije MUP-a Kantona Sarajevo za mjesec februar 2024.godine;
4. Razmatranje Prijave i žalbe na rad i ponašanje policijskog komesara Uprave policije MUP-a Kantona Sarajevo;
5. Razno.

Članovi Nezavisnog odbora su jednoglasno usvojili Dnevni red.

AD-1.- Usvajanje Zapisnika sa 25. sjednice Nezavisnog odbora

Zapisnik sa 26. sjednice Nezavisnog odbora jednoglasno usvojen.

U zakazanom terminu sjednici je pristupio Fatmir Hajdarević, policijski komesar



AD-2.- Informacija o aktivnostima Uprave policije MUP-a Kantona Sarajevo za mjesec januar 2024.godine

AD-3.- Informacija o aktivnostima Uprave policije MUP-a Kantona Sarajevo za mjesec februar 2024.godine

Policijski komesar je prezentirao Informaciju o aktivnostima Uprave policije MUP-a Kantona Sarajevo za mjesec januar i februar 2024.godine.

Nezavisni odbor je primio k znanju informacije o aktivnostima Uprave policije MUP-a Kantona Sarajevo za mjesec januar i februar 2024.godine.

AD-4.- Razmatranje Prijave i žalbe na rad i ponašanje policijskog komesara Uprave policije MUP-a Kantona Sarajevo

Predsjedavajući je informisao prisutne da je Nezavisnom odboru, Komisiji za sigurnost Skupštine KS, ministru unutrašnjih poslova, dostavljena Prijava i žalba na rad i ponašanje policijskog komesara Uprave policije MUP-a Kantona Sarajevo, Fatmira Hajdarevića, zbog počinjenih nezakonitih radnji i povreda službene dužnosti iz člana 52. stav (1) tačka a), b), c), i) i o) Zakona o unutrašnjim poslovima Kantona Sarajevo („Službene novine Kantona Sarajevo“ br. 1/16, 6/19, 26/19, 31/19 i 39/20) i člana 5. stav (1) tačka a), b), c), i) i o) Uredbe o disciplinskom postupku i disciplinskoj odgovornosti policijskog komesara („Službene novine Kantona Sarajevo“, broj 33/16), sa prijedlozima za provođenje odgovarajućeg disciplinskog postupka i eventualno drugih postupaka iz nadležnosti adresata. Prijavu je podnio glavni inspektor Uprave policije MUP-a Kantona Sarajevo Almir Pašić.

Članovi Nezavisnog odbora su se složili da se navedena prijava dostavi policijskom komesaru na službeni e-mail. Imenovani treba da se u roku od 15 dana da se izjasni o navodima u prijavi. Povodom navedenog, sekretar Nezavisnog odbora treba da obavijesti podnosioca prijave Almira Pašića da je Nezavisni odbor upoznao i dostavio Policijskom komesaru prijavu na izjašnjenje.

Na konstataciju predsjedavajućeg da je Nezavisni odbor dobio poziv za II hitnu sjednicu Skupštine Kantona Sarajevo na temu sigurnosti, policijski komesar je odgovorio da je Uprava policije pripremila i dostavila Skupštini Informaciju.

Stav Nezavisnog odbora shodno izjavama pojedinih javnih ličnosti, posebno političara koji u medijima govore loše o radu Uprave policije je da bi trebalo reagovati na iste.

Upućena je primjedba policijskom komesaru da se javnost obavještava o radu policije bez obzira na stav tužioca. Treba smiriti javnost, reći šta je policija uradila, da su stvari stavljene pod kontrolu. Potrebno je koordinirati sa glavnom tužiteljicom.

AD-5.- Razno

Nezavisni odbor je jednoglasnom odlukom zauzeo stav da II hitnoj sjednici prisustvuje predsjedavajući Nezavisnog odbora.

Konstatuje se da je 27. sjednica Nezavisnog odbora završena u 17:38 sati.



DVADESET OSMA SJEDNICA (29.04.2024. godine)

Sjednica je održana dana 29.04.2024. godine, sa početkom rada u 17:00 sati, u prostorijama Skupštine Kantona Sarajevo.

Sjednici prisustvuju članovi Nezavisnog odbora: svi članovi

DNEVNI RED

1. Usvajanje Zapisnika sa 27. sjednice Nezavisnog odbora;
2. Izvještaj o radu Policijskog komesara Uprave policije Ministarstva unutrašnjih poslova Kantona Sarajevo za period 01. januar – 31.mart 2024. godine;
3. Informacija o aktivnostima Uprave policije Ministarstva unutrašnjih poslova Kantona Sarajevo za mjesec mart 2024.godine;
4. Razmatranje Izjašnjenja policijskog komesara Uprave policije MUP-a Kantona Sarajevo broj:02-49/24 od 11.04.2024.godine;
5. Razno.

Članovi Nezavisnog odbora su jednoglasno usvojili Dnevni red.

AD-1.- Usvajanje Zapisnika sa 27. sjednice Nezavisnog odbora

Zapisnik sa 27. sjednice Nezavisnog odbora jednoglasno usvojen.

U naznačenom terminu sjednici je pristupio Fatmir Hajdarević, policijski komesar

AD-2.- Izvještaj o radu Policijskog komesara Uprave policije Ministarstva unutrašnjih poslova Kantona Sarajevo za period 01. januar – 31.mart 2024. godine

Policijski komesar je prilikom izlaganja Izvještaja o radu Policijskog komesara Uprave policije Ministarstva unutrašnjih poslova Kantona Sarajevo za period 01. januar – 31.mart 2024. godine istakao da je u navedenom vremenskom periodu u Kantonu Sarajevo došlo do višestruke upotrebe vatrenog oružja što je izazvalo uznemirenost građana. U nastavku je govorio o procesima prijema policijskih službenika u čin “policajac” i “mlađi inspektor”. Informisao je članove Nezavisnog odbora o sastanku policijskih komesara sa direktorom Federalne uprave policije.

Nezavisni odbor je primio k znanju Izvještaj o radu Policijskog komesara Uprave policije Ministarstva unutrašnjih poslova Kantona Sarajevo za period 01. januar – 31.mart 2024. godine.

AD-3.- Informacija o aktivnostima Uprave policije Ministarstva unutrašnjih poslova Kantona Sarajevo za mjesec mart 2024.godine

Policijski komesar je prezentirajući Informaciju o aktivnostima Uprave policije Ministarstva unutrašnjih poslova Kantona Sarajevo za mjesec mart 2024.godine.

Nezavisni odbor je primio k znanju Informaciju o aktivnostima Uprave policije Ministarstva unutrašnjih poslova Kantona Sarajevo za mjesec mart 2024.godine.

AD-4.- Razmatranje Izjašnjenja policijskog komesara Uprave policije MUP-a Kantona Sarajevo broj:02-49/24 od 11.04.2024.godine



Adresa: Reisa Džemaludina Čauševića 1, 71 000 Sarajevo

Tel: + 387 (0) 33 562-055, Fax:+ 387 (0) 33 562-210

Web: <http://skupstina.ks.gov.ba>

E-mail: skupstina@skupstina.ks.gov.ba

Policijski komesar Uprave policije Ministarstva unutrašnjih poslova Kantona Sarajevo Fatmir Hajdarević je u nastavku detaljnije pojasnio odgovore na pojedine navode u Prijavi i žalbi na njegov rad podnesenoj od strane glavnog inspektora Almira Pašića.

Premještaj policijskih službenika - prilikom preuzimanja dužnosti zamjenika policijskog komesara, podnosilac prijave i žalbe je bio raspoređen na radno mjesto načelnika Jedinice za profesionalne standarde. Policijski komesar je procijenio da imenovani nije organizacijski ništa unaprijedio Jedinicu, već je unazadio međuljudske odnose.

Na pitanje da li je policijski službenik Almir Pašić, prije njegovog dolaska na mjesto zamjenika policijskog komesara, bio premještan i da li je uložio žalbu na posljednji premještaj policijski komesar je odgovorio da je u tri mjeseca imenovani bio raspoređen na tri radna mjesta. Na posljednji premještaj se žalio i žalbu je policijski komesar dostavio Policijskom odboru.

Policijski komesar je na kraju zaključio da je Almir Pašić u februaru 2023.godine unapređen u čin glavni inspektor. Kao glavni inspektor je bio premješten na radno mjesto šefa Ureda policijskog komesara, a u roku od 48 sati na radno mjesto načelnika Jedinice za profesionalne standarde. Posljednji premještaj je bio na radno mjesto na kojem se trenutno nalazi, a u skladu sa njegovim znanjem i mogućem doprinosu.

Na pitanje da li se Almir Pašić žalio na prethodna dva premještaja policijski komesar je odgovorio da se nije žalio.

Oblast zaštite na radu - Policijski komesar je istakao da je Almir Pašić predsjednik Komisije za izradu Pravilnika za zaštitu na radu i da po tom pitanju ništa nije urađeno. Tražio da se pripremi izmjena Pravilnika koji reguliše ovlaštenja policijskih službenika, a vezano za korištenje body kamera.

Korištenje službenog vozila - Policijski komesar je rekao da je vozilo Golf 5 tehnički ispravno, što je utvrdio tehnički pregled. Potrebe organizacione jedinice Unutrašnje kontrole za vozilom su male. Vozilo Golf 7 je izuzeto iz Sektora za materijalno-finansijske poslove i ovaj sektor je ostao bez vozila. Unutrašnja kontrola je imala dva vozila. Vozilo je vraćeno Sektoru za materijalno-finansijske poslove.

Oblast zaštite tajnih i ličnih podataka - Na pitanje koja organizaciona jedinica je nadležna za oblast zaštite tajnih i ličnih podataka policijski komesar je odgovorio da je to Odjeljenje za razvoj načela, procedura, standarda, zaštitu tajnih i ličnih podataka i zaštitu na radu. Navedeno odjeljenje se nalazi u okviru Jedinice za profesionalne standarde. Načelnik navedenog Odjeljenja je odgovoran Almiru Pašiću. Najodgovornija osoba za zaštitu tajnih i ličnih podataka je načelnik Jedinice za profesionalne standarde, a to je bio Almir Pašić. Na radno mjesto stručnog savjetnika za poslove zaštite tajnih podataka i normativne poslove premještena je službenica koja je diplomirani pravnik i radila je na radnom mjestu stručni savjetnik za poslove obrade i zaštite ličnih podataka. Ukoliko navedena službenica pored poslova zaštite tajnih podataka radi i poslove zaštite ličnih podataka dobije dodatak na plaću u skladu sa Zakonom o plaći i naknadama u organima vlasti Kantona Sarajevo i Kolektivnim ugovorom za državne službenike i namještenike.

Propisi u vezi "snimanja telefonskih razgovora" - Policijski komesar je rekao da je podnosilac prijave i žalbe pokušao da obstruira uvođenje snimanja razgovora žalbi i prijava građana putem telefona zbog ličnog nezadovoljstva.



Na pitanje da li je pokrenuta procedura vezano za zaštitu ličnih podataka dobijenih prilikom snimanja razgovora policijski komesar je odgovorio da je Agencija za zaštitu ličnih podataka odgovorila na upit Uprave policije.

Nošenje policijskih uniformi inspektora Jedinice za profesionalne standard - Zaduženu uniformu dužni su da nose policijski službenici koji su istu zadužili. Policijski službenici koji rade u civilu imaju pravo na naknadu, pa bi tako inspektori Jedinice ukoliko nebi nosili zaduženu uniformu imali pravo na naknadu. Ukoliko im se naknada ne bi isplatila imaju osnova za tužbu.

Od strane člana Nezavisnog odbora istaknuto je da je Odbor za žalbe javnosti tražio da dežurni službenik prima žalbe građana u civilu.

Uspostava Sigurnosnog područja - Policijski komesar je istakao da je unutar Ministarstva unutrašnjih poslova Kantona Sarajevo uspostavljeno fizički Sigurnosno područje, ali nije nabavljena neophodna oprema za funkcionisanje istog u punom kapacitetu. Uprava policije pokušava sa međunarodnim partnerima nabaviti opremu, koja se ne može nabaviti u Bosni i Hercegovini.

Sigurnosne provjere - Podnosilac prijave i žalbe Almir Pašić se referiše na tri policijska službenika koji imaju sudske presude i nisu prošli sigurnosne provjere. Dvojici policijski službenika 2022.godine je ukinuta suspenzija, a jednom 2021.godine. Navedeni policijski službenici su u postupku pred Komisijom za rješavanje žalbi u postupku sigurnosnog provjeravanja, koju je imenovalo Vijeće ministara Bosne i Hercegovine.

Prekovremeni sati - Policijski komesar je istakao da poštuje procedure i u skladu sa dostavljenim izvještajem policijskih uprava odobrava prekovremene sate. Za evidencije prekovremenih sati nadležni su rukovodioci.

Policijski komesar je obrazložio i ostale odgovore na navode podnosioca prijave i žalbe Almira Pašića.

Nezavisni odbor je primio k znanju Izjašnjenje policijskog komesara Uprave policije MUP-a Kantona Sarajevo broj:02-49/24 od 11.04.2024.godine i donijet će Odluku o kojoj će Almir Pašić I policijski komesar biti obaviješteni.

AD-4.- Razno

Vezano za zaključke Skupštine Kantona Sarajevo, koji su doneseni na II hitnoj sjednici Skupštine na temu sigurnosne situacije, održanoj 08.04.2024.godine, te koje su obaveze Ministarstva unutrašnjih poslova KS i Uprave policije, Nezavisni odbor je zadužio sekretara da na e-mail članovima dostavi zaključke sa II hitne sjednice Skupštine kako bi pratili realizaciju istih od strane policijskog komesara u dijelu zaključaka kojim se obavezuje policijski komesar.

Vezano za intervju Zlatka Miletića u kojem tvrdi da najmanje 25 sarajevskih policajaca drži ugostiteljske objekte u kojim se rasparčava droga, konstatovano je da navedena izjava ima težinu i postavlja se pitanje da li je Odbor za žalbe javnosti imao prijave za takva ponašanja policijskih službenika. Mišljenje Nezavisnog odbora je da je Tužilaštvo trebalo reagovati na izjave Zlatka Miletića.

Na kraju sjednice članovi Nezavisnog odbora su donijeli Zaključak:

1. Predsjedavajući će pripremiti Izvještaj o radu Nezavisnog odbora za period juli-decembar 2023.godine,



Adresa: Reisa Džemaludina Čauševića 1, 71 000 Sarajevo

Tel: + 387 (0) 33 562-055, Fax:+ 387 (0) 33 562-210

Web: <http://skupstina.ks.gov.ba>

E-mail: skupstina@skupstina.ks.gov.ba

2. Ostali članovi – po dva člana u timu pripremiti će Izvještaj o radu policijskog komesara Uprave policije Ministarstva unutrašnjih poslova Kantona Sarajevo za period oktobar-decembar 2023.godine i Izvještaj o radu policijskog komesara Uprave policije Ministarstva unutrašnjih poslova Kantona Sarajevo za period januar-mart 2024.godine

Konstatovano da je 28. sjednica Nezavisnog odbora završena u 18:15 sati.

DVADESET DEVETA SJEDNICA (24.05.2024.GODINE)

Sjednica je dana 24.05.2024. godine, sa početkom rada u 17:00 sati, u prostorijama Skupštine Kantona Sarajevo.

Sjednici prisustvuju članovi Nezavisnog odbora: svi članovi prisutni

DNEVNI RED

1. Usvajanje Zapisnika sa 28. sjednice Nezavisnog odbora;
2. Informacija o aktivnostima Uprave policije MUP-a Kantona Sarajevo za period januar-mart 2024;
3. Informacija o aktivnostima Uprave policije Ministarstva unutrašnjih poslova Kantona Sarajevo za mjesec april 2024.godine;
4. Razmatranje Žalbe policijskih službenika PU Hadžići i Trnovo na komandira PS Hadžići Viktora Čatića;
5. Razmatranje Izjašnjenja Policijskog komesara Uprave policije MUP-a KS po prijavi Almira Pašića;
6. Razno.

Članovi Nezavisnog odbora su jednoglasno usvojili Dnevni red.

AD-1.- Usvajanje Zapisnika sa 28. sjednice Nezavisnog odbora

Zapisnik sa 28. sjednice Nezavisnog odbora jednoglasno usvojen.

U dogovorenom terminu sjednici je pristupio Fatmir Hajdarević, policijski komesar

AD-2.- Informacija o aktivnostima Uprave policije MUP-a Kantona Sarajevo za period januar-mart 2024;

AD-3.- Informacija o aktivnostima Uprave policije Ministarstva unutrašnjih poslova Kantona Sarajevo za mjesec april 2024.godine;

Policijski komesar je prezentirao Informaciju o aktivnostima Uprave policije MUP-a Kantona Sarajevo za period januar-mart 2024.godinu ističući da je u navedenom periodu registrovano manje događaja sa obilježjem krivičnog djela u odnosu na isti period 2023.godine. Povećan je broj događaja sa obilježjem krivičnog djela iz oblasti protiv života i tijela. Iz oblasti javnog reda i mira povećan je broj prekršaja. Registrovao je manje saobraćajnih nesreća.

Što se tiče Informacije o aktivnostima Uprave policije Ministarstva unutrašnjih poslova Kantona Sarajevo za mjesec april 2024.godine policijski komesar je istakao da je u navedenom mjesecu povećan broj događaja s obilježjem krivičnog djela. Broj djela iz oblasti protiv života i tijela je smanjen, dok je povećan broj djela iz oblasti braka, porodice i mladeži. Evidentirano je više prekršaja iz oblasti javnog reda i mira. Što se tiče saobraćaja registrovano je više saobraćajnih nezgoda sa više nastradalih i sa većom materijalnom štetom.

Nezavisni odbor je primio k znanju:

- Informaciju o aktivnostima Uprave policije MUP-a Kantona Sarajevo za period januar-mart 2024. I
- Informaciju o aktivnostima Uprave policije Ministarstva unutrašnjih poslova Kantona Sarajevo za mjesec april 2024.godine.

AD-4.-Razmatranje Žalbe policijskih službenika PU Hadžići i Trnovo na komandira PS Hadžići Viktora Čatića

Po pitanju saznanja da je Odbor za žalbe javnosti imao žalbu na rad komandira PU Hadžići i Trnovo Viktora Čatića u diskusiju su se uključili predsjedavajući i članovi Nezavisnog odbora.

Članovi Nezavisnog odbora su se jednoglasno složili da se navedena žalba policijskih službenika PU Hadžići i Trnovo dostavi policijskom komesaru Uprave policije MUP-a Kantona Sarajevo i da istu dostavi nadležnom Odjeljenju da provjeri osnovanost navoda u žalbi i da informiše Nezavisni odbor o poduzetim radnjama.

AD-5.-Razmatranje Izjašnjenja Policijskog komesara Uprave policije MUP-a KS po prijavi Almira Pašić

Nezavisni odbor iznosi slijedeći stav:

- neki navodi u Prijavi i žalbi glavnog inspektora u Upravi policije MUP-a Kantona Sarajevo Almira Pašića paušalni, kao npr. navodi vezani za vozilo. Iz dokumentacije je vidljivo da je podnosilac prijave i žalbe vozilo preuzeo u ispravnom stanju, što je utvrđeno tehničkim pregledom. Što se tiče primjedbi vezano za nepravilnosti u radu rukovanjem ličnim i tajnim podacima utvrđeno je da je najodgovorniji za lične i tajne podatke načelnik Jedinice za profesionalne standarde, a to je bio Almir Pašić. Nije vidljivo da su od strane načelnika Jedinice za profesionalne standarde Almira Pašića poduzete bilo kakve radnje da se poboljša rad Jedinice. Prijava na ponašanje policijskog službenika Merkeza Bihorca nije blagovremena. Kao rukovodilac Jedinice morao je znati koji su rokovi za prijave na rad policijskih službenika i kome treba da se podnese prijave.
- nema elemenata za pokretanje postupaka protiv policijskog komesara.
- policijski komesar kao rukovodilac Uprave policije odgovoran za rad Uprave i mora se pitati.
- Nezavisni odbor upoznat sa informacijom da je Almir Pašić kao rukovodilac Jedinice za profesionalne standarde tražio izjašnjenje Odbora za žalbe javnosti vezano za naredbu policijskog komesara da su policijski službenici koji zaprimaju prijave građana na rad policijskih službenika obavezni nositi službene uniforme i o navodima u prijavi koji su netačni (snimanje telefonskih razgovora na dežurnim telefonskim linijama Uprave policije, depeša policijskim upravama da prilikom podnošenja prijava građana na rad policijskih službenika moraju koristiti Obrazac 1. - ovo je sve tražio Odbor, a nije načelnik JPS-a). Kakvo će vozilo dati načelniku JPS -a je pravo policijskog komesara. Zakon je dao mogućnost policijskom komesaru da vrši interni premještanje policijskih službenika. Policijski komesar je procijenio da će Almir Pašić sa svojim sposobnostima doprinijeti boljem radu drugog odjeljenja, te je istog interno premjestio. Nije premješten u niži čin. Analizirajući



Adresa: Reisa Džemaludina Čauševića 1, 71 000 Sarajevo

Tel: + 387 (0) 33 562-055, Fax: + 387 (0) 33 562-210

Web: <http://skupstina.ks.gov.ba>

E-mail: skupstina@skupstina.ks.gov.ba

činjenice Odbor za žalbe javnosti nije našao stvari koje bi se mogle zadokumentovati i da se pokrene postupak protiv policijskog komesara.

- da je policijski komesar odgovoran za rad Uprave policije ovlašten da vrši premještaj policijskih službenika. Policijski službenik Almir Pašić je, u 45 dana, dva puta interno premješten od strane bivšeg komesara i nije izjavljivao žalbu.

Nakon provedene diskusije, Nezavisni odbor je u skladu sa članom 34. stav (6) Zakona o unutrašnjim poslovima Kantona Sarajevo („Službene novine Kantona Sarajevo“, broj:1/16, 26/19, 31/19 i 39/20) i članom 7. stav (1) Poslovnika o radu Nezavisnog odbora («Službene novine Kantona Sarajevo» broj: 13/22 i 52/22) jednoglasno donio (6/6) sljedeću ODLUKU

“Prijava i žalba glavnog inspektora Pašić Almira na rad i ponašanje policijskog komesara Uprave policije Ministarstva unutrašnjih poslova Kantona Sarajevo, Fatmira Hajdarevića, zbog počinjenih nezakonitih radnji i povreda službene dužnosti iz člana 52. stav (1) tačka a), b), c), i) i o) Zakona o unutrašnjim poslovima Kantona Sarajevo („Službene novine Kantona Sarajevo“ br. 1/16, 6/19, 26/19, 31/19 i 39/20) i člana 5. stav (1) tačka a), b), c), i) i o) Uredbe o disciplinskom postupku i disciplinskoj odgovornosti policijskog komesara („Službene novine Kantona Sarajevo“, broj 33/16) je **NEOSNOVANA**”.

AD-6.- Razno

Pod tačkom Razno članovi Nezavisnog odbora su zadužili policijskog komesara Uprave policije Ministarstva unutrašnjih poslova Kantona Sarajevo da uz mjesečne informacije o aktivnostima Uprave policije dostavi informaciju o realizaciji Zaključaka Skupštine Kantona Sarajevo, koji su doneseni na Drugoj hitnoj sjednici Skupštine održanoj 08.04.2024.godine, a kojim se obavezuje Uprava da poduzme određene aktivnosti.

Konstatuje se da je 29. sjednica Nezavisnog odbora završena u 18:30 sati.

TRIDESETA SJEDNICA (28.06.2024.godine)

Sjednica je održana dana 28.06.2024. godine, sa početkom rada u 17:00 sati, u prostorijama Skupštine Kantona Sarajevo.

Sjednici prisustvuju članovi Nezavisnog odbora: svi članovi prisutni

DNEVNI RED

1. Usvajanje Zapisnika sa 29. sjednice Nezavisnog odbora;
2. Informacija o aktivnostima Uprave policije MUP-a Kantona Sarajevo za mjesec maj 2024.godine;
3. Prijedlog člana Radne grupe za analizu Zakona o unutrašnjim poslovima i Zakona o policijskim službenicima KS;
4. Razno.

Članovi Nezavisnog odbora su jednoglasno usvojili Dnevni red.

AD-1.- Usvajanje Zapisnika sa 29. sjednice Nezavisnog odbora

Zapisnik sa 29. sjednice Nezavisnog odbora jednoglasno usvojen.



U naznačenom terminu sjednici je pristupio Fatmir Hajdarević, policijski komesar

AD-2.- Informacija o aktivnostima Uprave policije MUP-a Kantona Sarajevo za mjesec maj 2024.godine

Policijski komesar je prezentirajući Informaciju o aktivnostima Uprave policije MUP-a Kantona Sarajevo za mjesec maj 2024.godinu istakao da je u navedenom periodu registrovano manje događaja sa obilježjem krivičnog djela. Ukratko je informisao članove Nezavisnog odbora o događaju koji se desio u OŠ "Behudin Selmanović". Evidentirano je više djela protiv slobode i prava čovjeka i građana, protiv spolne slobode i morala, protiv braka, porodice i mladeži, protiv zdravlja ljudi, dok je evidentirano manje događaja protiv imovine, protiv podmićivanja i krivična djela protiv službene i druge odgovorne funkcije u odnosu na isti period prošle godine. Isti broj događaja je evidentiran protiv opće sigurnosti ljudi i imovine, protiv javnog reda i pravnog prometa. Što se tiče ostalih protivpravnih i asocijalnih ponašanja registrovano je više požara i samoubistava. U oblasti javnog reda i mira evidentirano je više prekršaja. U maju tekuće godine registrovano je više saobraćajnih nezgoda u odnosu na isti period prethodne godine. U navedenom mjesecu oduzeto je 26 motornih vozila od višestrukih povratnika u činjenju prekršaja iz oblasti ZOOBS-a.

Nakon uvodnih napomena policijskog komesara uslijedila su pitanja članova Nezavisnog odbora.

Upućen je upit policijskom komesaru da ukratko informiše Nezavisni odbor o događaju koji se desio na Širokači u kojem su smrtno stradala tri lica, što je komesar i učinio.

Na pitanje u kojoj je fazi nabavka body kamera policijski komesar je odgovorio da je nabavka završena i kamere će biti isporučene policijskim službenicima.

U nastavku policijski komesar je Nezavisni odbor informisao o nabavci putničkih i oklopnih vozila i specijalne opreme za Specijalnu policijsku jedinicu.

Nezavisni odbor je primio k znanju Informaciju o aktivnostima Uprave policije MUP-a Kantona Sarajevo za mjesec maj 2024.godine.

AD-3.- Prijedlog člana Radne grupe za analizu Zakona o unutrašnjim poslovima i Zakona o policijskim službenicima KS

Predsjedavajući je prisutne članove informisao da je Ministarstvo unutrašnjih poslova Kantona Sarajevo dostavilo dopis kojim traži da Nezavisni odbor imenuje jednog člana u radnu grupu za analizu Zakona o unutrašnjim poslovima i Zakona o policijskim službenicima Kantona Sarajevo.

Nezavisni odbor je jednoglasno predložio (7/7) Predsjedavajućeg u radnu grupu za analizu Zakona o unutrašnjim poslovima i Zakona o policijskim službenicima Kantona Sarajevo.

AD-4.- Razno

Pod tačkom Razno članovi Nezavisnog odbora su govorili o procesu izrade izvještaja o radu Nezavisnog odbora i policijskog komesara za zadnji kvartal 2023.godine i za prvo tromjesečje 2024.godine.



Sjednica je završena u 17:30 sati.

Nezavisni odbor predlaže Skupštini Kantona Sarajevo da usvoji Izvještaj o radu Nezavisnog odbora za period januar-juni 2024. godine.

Broj: 01-04-77- 16 /25
Sarajevo, 27.05.2025. godine

